



**Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 125. Religionis Catholicæ incrementa, & Pontificis studium in iis  
promovendis.

---

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

„mus exsplicare, probe intelligentes, Sæc. XVII.  
 „quanto fidelium scandalō, quantoque A. C. 1701.  
 „Ecclesiæ contemptu, inspecta loci & \_\_\_\_\_  
 „Personæ immunitate, ista contigerint,  
 „nullatenus itaque Vobis ambigendum  
 „est, quin Nos officii nostri memores  
 „sedulo curaturi simus, ut debita re-  
 „paratione jura Ecclesiæ tam enormi-  
 „ter læsa sarciantur. Interim vero con-  
 „fidimus Vos, & Christiana pietate  
 „excitatos, & hac etiam calamitate,  
 „ceterisque impendentibus malis ad-  
 „monitos, non tam de comparanda re-  
 „bus vestris Pontificiæ auctoritatis ope,  
 „quam de propitiando Vobis ipsis Deo  
 „Optimo Maximo fore omnino sollici-  
 „tos, & serio perpensuros esse, nun-  
 „quam aptius Cælestem miserationem,  
 „quam Fraternæ charitatis usu conciliari:  
 cum econtra nil tam Divinam  
 ultionem provocare possit, quam si is,  
 qui mitem in se Dominum esse velit,  
 durior in proximum suum invehere  
 perget, quod Evangelici servi exem-  
 plo compertum Vobis esse potest &c.

### §. CXXV.

*Religionis Catholicæ incrementā, &  
 Pontificis studium in iis pro-  
 movendis.*

Xx 5

Eodem

Sæc. XVII.  
A. C. 1701.

*Epiſt. Cle-  
ment. XI.  
Vid. ſupra  
pag. 582.*

Eodem hoc tempore, quo funestum hoc bellum & Christianorum Principum discordia in magnum Catholicæ Religionis discrimen verti timebatur, Eadem per plurimum accessionem, reditumque ad veræ Ecclesiæ ſinum haud levia cepit incrementa; præprimis enim Maria Elisabetha Bipontina Principiſſa anno priori ejurata hæresi ad fidem Catholicam reversa literas filiali obsequio plenas hac de re ad ſummum Pontificem dedit, qui vicifim eidem hanc gratiam gratulatus die octava Februarii eam hortatus eſt, ut in ſuſcepto consilio firmiter persiftat, aliosque etiam ab erroribus ad rectam veritatis ſemitam revocare ſtudeat. Rutheni quoque schismatici in Polonia ſe ad unionem cum Ecclesia Romana ſat propensos ſæpius, nec obscure monſtrabant: quocirca Pontifex die trigesima Aprilis Poloniæ Regem hortabatur, ut horum unionem impene promovere, atque Epifcopo Rutheno a schismatis valde exagitato opitulari, eumque in Leopolitana Sede ſua conſirmare velit; hic enim Epifcopus ſuę cum Apostolica Sede unionis literas testes Romam nuper miſerat: pariter die ſeptima Maij Pontifex ab eodem Rege poſtulabat, ut publicæ Catholicorum offendioni occurrat inde enatæ, quod qui-

quidam Lutherani Varsaviæ apud a-Sæc. XVII.  
catholici Principis Ministrum damnatis A. C. 1701.  
suæ sectæ exercitiis publice vacare  
præsumerent: idem etiam vigilantiæ  
Cardinalis Radcieowski commendabat,  
eundem sicut & Leopolitensem Archi-  
præfulem, ceteros Episcopos, & Pro-  
ceres hortatus, ut in proximis Re-  
gni comitiis non modo publicam tran-  
quillitatem, sed præcipue orthodoxæ  
fidei incolumentem contra hæreticos  
promovere, & Sueciæ Regis insidiis ac  
minis strenue obfistere contendant. In-  
super Pontifex Poloniæ Regem roga-  
bat, ut quoddam diploma, quod Aca-  
tholici Dresdæ anno elapso ab ipso frau-  
de malisque artibus extorserant, ab-  
rogaret, & Catholicos possessione Ec-  
clesiæ Maurisburgensis tutaretur, nec-  
non ad propagandam fidem auctoritate  
sua Missionariorum numerum augeret,  
denique eundem Regem paterne ar-  
guebat, quod Filium suum tenerrimæ ad-  
huc ætatis puerum hæreticis Magistris  
instituendum tradiderit: Paulopost Ma-  
carius Tripolitanus, & Parthenius He-  
liopolitanus Episcopi, ejurato schis-  
mate ad unitatem Romanæ Ecclesiæ  
reversi sunt, propterea a summo Pon-  
tifice die decima sexta Julii literis  
gratulatoriis honorati. Eodem anno  
Princeps Guilielmus Hyacinthus Naf-  
fovius

Sæc. XVII. sovius pro Catholicis in sua ditione no-  
 A. C. 1701. yum Templum, loco alterius incendio  
 absumpti, extrui curavit. Pari Reli-  
 gionis studio incitatus Pontifex Cæsa-  
 rem & Franciæ Regem implorabat, qua-  
 tenus Armenorum, aliorumque Orien-  
 talium Catholicorum, qui in Turcica  
 ditione sœvum in modum a barbaris  
 vexabantur, atque ad amplectendos  
 hæreticorum, schismaticorumque (\*)  
 errores adigebantur, caussam & patro-  
 cinium in se suscipere vellent: eisdem  
 quoque commendabat Patriarcham Ar-  
 menum, & Syrianorum Patriarcham,  
 quorum hic post carceris ærumnas ab  
 infidelibus multis plagis multatus, ille  
 vero Constantinoli fædissimæ trire-  
 mium servituti addictus erat, unice ea  
 ex caussa, quod improbæ eorum vo-  
 luntati constanter obstitissent. Præ-  
 terea Maigrotus Cononensis Episcopus  
 ac Fokiensis Vicarius Apostolicus datis  
 ante biennium ad Innocentium XII. li-  
 teris de Sinensibus controversiis certio-  
 rem reddiderat, hoc autem Pontifice  
 jam fatis functo Clemens XI. eundem  
 necnon Arturum Rosaliensem Episco-  
 pum Provinciæ Suchuensis Vicarium  
 Apostolicum die prima Augusti per li-  
 teras hortabatur, ut in Sinica Missio-  
 ne,

(\*) Vid. supra Lib. 212. §. 9. p. 308.

ne, susceptoque ministerio sua apud Deum  
merita indies magis cumulare satagerent: **Sæc. XVII.**  
Maigroti vero suscepitos labores commen-  
dabat his verbis Pontifex: *Te in primis per-  
suasum esse cupimus de singulari nostra erga te  
benevolentia, quam tibi Zelus, quo flagras,  
doctrina, qua præstas, ac demum constans  
illa voluntas, qua tamdiu strenue huic mi-  
nisterio vacasti, tibi abunde conciliant.* **A.C. 1701.**  
E-  
rudiantur (alii Operarii) tuis monitis,  
ac tua consuetudine fideles in unitate Spi-  
ritus, in vinculo pacis, hanc Sanctam Se-  
dem filiali observantia revereri: his verbis  
merito ad sui confusionem perstringitur  
Turselini Continuator, qui ad Annum  
MDCC. scribere ausus est: *Ante aliquot  
annos Maigrotus Gallus Doctor Sorbo-  
nicus cum potestate Vicarii Apostolici in  
Provinciam Foquien missus Ecclesiam Si-  
nensem turbis, Romam vero sinistris opinio-  
nibus implevit.* Ceterum Pontifex huic  
ac reliquis in Imperio Sinarum Vica-  
riis Apostolicis Jubilæi diploma ibidem  
promulgandum hoc anno die decima  
quinta Maij transmisit. Denique qua-  
tuor Missionarios ex Ord. S. Dominici  
Aspahamum proficiscentes Persarum  
Regi, & Nahabiero Nationis Armeno-  
rum Patriarchæ impensius commenda-  
bat, simulque Nubiæ Regem ad am-  
pleteendam fidem Catholicam horta-  
tus,

Sæc. XVII. tus, duos Missionarios eo fine ad ipsum  
A. C. 1701. alegatos benigne excipi rogabat, pro-  
 meritisque laudibus efferebat pietatem  
 ac Zelum Cardinalis a Colonitz, qui  
 plurimorum fidelium Byzantii apud  
 Turcas captivorum redemptionem offi-  
 ciis & pecuniis procurabat.

## §. CXXVI.

*Idem Pontifex immunitatis Ecclesia-  
 sticæ vindicæ acerrimus.*

*Epiſt. &  
 Brev. Cle-  
 mens XI.  
 pag. 30.*

Inter alia præclare gesta, quibus Cle-  
 mens Papa sui Pontificatus auspicia  
 decorabat, haud silentio prætereun-  
 dum est invictum ipsius studium, quo  
 læsam Immunitatem Ecclesiasticam vin-  
 dicare nitebatur: cum enim Parochi,  
 aliique Ecclesiastici a fæcularibus Leo-  
 diensis Urbis Ordinibus graviter vex-  
 rentur, suisque privilegiis ac præroga-  
 tivis exuerentur. Pontifex hoc anno  
 die decima quinta Januarii querulas  
 has literas ad Josephum Clementem  
 Electorem, ac Leodiensem Episcopum  
 dedit: „Non satis explicare possumus  
 „magnitudinem doloris nostri, ubi ad-  
 „monente Nos officii debito mentis  
 „oculos convertimus ad vexationes gra-  
 „ves utique ac diuturnas, quas nulla  
 „Ecclesiasticæ immunitatis ratione ha-  
 „bita, sed ea prorsus despecta, ac fæpe-

„fæ-